

## Mo Matua,

O lenei tausaga o le a amataina ai e lau tama se savaliga fiafia – o le a’oa’oina e faitau. I totonu o a matou a’oa’oga, e faaogaina puna’oa mai i lomiga a Wendy Pye Publishing, o lē ua 40 tausaga o iai tusitusiga e fesoasoani mo augā tupulaga laiti a’o’oga. O lenei tusi o lo’o iai ni fa’amatalaga i auala mo le a’oa’oina o le faitautusi, ma pe fa’apefea ona e auai ai.

### E fa’apefea ona matou a’oa’oina lau tama e faitau?

O lo’o matou fa’aaogaina se auala o le fa’aleoina o mata’itusi i totonu o upu e a’oa’oina ai le faitau. O lona uiga o le a a’oa’oina lau tama i fa’aleoga o mata’itusi i totonu o upu i se auala fa’asolosolo ma fa’atulagaina lelei. O le a latou a’oa’oa fa’aleoga e 44 o le gagana Peretania e aofia ai ma mata’itusi e fai ma sui o na leo. A’o latou a’oa’oa leo ma mata’itusi fou, o le a latou fa’aaogaina lenei tomai e faitauina ai ma le fiafia ni tusi ua fa’aigoaina o ‘tusi fa’atonutonu’.

### O a tusi fa’atonutonu?

O tusi fa’atonutonu e iai na’o upu e mafai ona faitau e tamaiti e fa’aaogaina ai le tomai ua uma ona a’oa’oina iai. O se fa’ataitaiga, o le seti tusi muamua e faitauina e tamaiti (i totonu o le polokalama) e fa’avaeina i le iloa ona fa’aleo o mata’itusi



**s a t p i n m d**. E na’o upu e fa’aaogaina nei leo o lo’o i tusi (vagana ai nai upu ‘faigata’ – upu e mana’omia e tusi uma ae e faigata ona fa’aleo, fa’ataitaiga *the*). Mo seti tusi e soso’o ai, e tatau ona a’oa’oina tamaiti i le fa’aleoga o mata’itusi **g o b h e r f u l**. E fa’aaauu lava lea tulaga seia a’oa’oina uma fa’aleoga e 44, ma fa’amasani i upu fou ma o latou fa’aleoga. A o alu i luga le taumafai o fanau i le polokalama, latou te a’oa’oa sipelaga eseese o leo ua uma ona latou a’oa’oina ai.

### O matou tusi – Fa’afeiloa’i atu Sam, Dan ma Nat

O lo’o matou a’oa’oina le faitautusi e fa’aaogaina ai le polokalama a le Sunshine Phonics Decodable. O uluai tusi o lenei polokalama e fa’atatau i ni tamaiti se toatolu – Sam, Dan ma Nat – e aofia ai ma a latou fagafao, o latou aiga, o o latou tuaoi ma uo.

Talu ai o tagata masani lava ia e iai i tusi uma, e iloa lelei ma fiafia tamaiti aoga e faitau ia latou mea e fai. O tusi a le Sunshine Phonics Decodable e iai foi ata, e fa’amatalaina ai galuega ma tulaga e masani ona maitauina e tamaiti. O le tulaga pito sili ona taua, o tala malie, e iai iuga malie, e fa’aaogaina ai le tomai i fa’aleoga o mata’itusi ua uma ona a’oa’oina ai, ma e le toe taumatea ni upu. E fa’amautinoa ai ii le solosolo lelei o le faitau a le tamaitiiti mai ana tusi faitau muamua.




### E fa’apefea ona matou fesoasoani i lau tama?

O le a alu atu lau tama ma tusi faitau i le fale. O tusi ta’itasi e a’oa’oina ai mata’itusi ma leo o upu sa a’oa’oina i le aoga. O nisi nei o auala e te fesoasoani ai i le lagolagoina o lau tama i lana savaliga fa’afaitautusi.



## E mafai ona e:


- Susu'e i le itulau mulimuli o le tusi - e 'iai fautuaga mo fa'atalanoaga a'o le i faitaua le tusi, ma le mae'a ai.
- Susu'e i le itulau i totonu o le kava i luma o le tusi - o lo'o fa'a'iloa ai fa'aleoga o upu o lo'o a'oa'oina ai lau tama. Fa'amasani ma a'o le fa'aleoga o upu ma lau tama, ma fa'asino ia mata'itusi. A'o le faitau o upu o lo'o i le lisi - taumafai ia faitau e le tamaitiiti le upu pe a mafai i le taimi lava lena. Afai e le mafai, ona fa'aleo lea ta'itasi ina ia mafai ona tu'u fa'atasi fa'aleoga ina ia maua le upu atoa.
- **Upu Faigata** – i totonu o le kava pito i luma o le tusi o le a e va'aia ai se lisi o 'upu faigata'. O nei upu e mana'omia e fau ai ni tala (ft, to, is, the, go) ae e le o mafai ona fa'aleoina e lau tama i lona tomai o lo'o iai i le taimi nei. Faitau i lau tama nei upu ma fai iai e toe fai atu upu nei ia te oe. E ono mana'omia lou faitaua o nei upu i lau tama pe a faitauina le tusi.
- Fai i lau tama e faitau atu le tusi ia te oe. Afai e le mafai ona fa'aleoina se upu, fa'amalosi'au iai e fa'aleo ma tu'u faatasi mata'itusi Ia maua ai le upu atoa. Fai iai e fa'asino i upu a'o faitau.
- Talanoa i le tala pea uma - fesili iai i mea na tutupu i le tala ma pe aisea foi. O le malamalama o le ki ma o se vaega lelei i le a'oa'oina ma fiafia e faitautusi.
- E mafai ona aveese tagata o lo'o iai i le tala i totonu o le tusi i le itulau mulimuli o lenei tusi ma fa'aaoga e toe fa'amatala ai e lau tama le tala pe fatu ai foi ni tala fou.
- Faitau tusifaitau i lau tama, ma ia fa'amoemoe ia avea ma se masani e fiafia iai.



E matou te talitonu o le faitautusi o se tulaga lavelave, a'o lona a'oa'oina e le tatau ona faigata. O le fa'atulagaina ma le fa'asologa o le polokalama a le Sunshine Phonics Decodable e fa'amautuina le 'ausia lelei o le faitau a i latou fa'atoa amata ona faitautusi i a latou tusi muamua lava! E matou te fa'amoemoe o le a fiafia lau tama e faitautusi ma Sam, Dan ma Nat, ma a latou uo uma lava.

Fa'amolemole fesili mai ia i matou pe a iai ni au fesili e uiga i la matou polokalama faitautusi. Ia manuia,







Dad




Mum



Dan



Sam



Nat



Gus



Pam



Sid